

Uprava policije - Pretresi na području Živinica

12.02.2020 10:37

Nakon preduzimanja višemjesečnih planskih istražnih mjera i radnji, pod nadzorom Kantonalnog tužilaštva Tuzlanskog kantona, policijski službenici Uprave policije MUP-a TK (Sektor kriminalističke policije/Odsjek za borbu protiv organizovanog kriminaliteta i Odsjek za borbu protiv privrednog kriminaliteta i korupcije), dana 12.02.2020. godine započeli su realizaciju pretresa na području Živinica.

U toku su pretresi lica, objekata i putničkih vozila na više lokacija na području Živinica, s ciljem pronalaska i privremenog oduzimanja predmeta koji mogu poslužiti kao dokaz u krivičnim postupcima u vezi krivičnih djela Udruživanje radi vršenja krivičnih djela iz člana 340., Zloupotreba položaja ili ovlaštenja iz člana 383., Pranje novca iz člana 272. i drugih krivičnih djela Krivičnog zakona Federacije Bosne i Hercegovine.

Aktivnosti policije provode se po naredbi Općinskog suda Živinice i pod nadzorom Kantonalnog tužilaštva Tuzlanskog kantona.

Više informacija o navedenoj akciji biće saopšteno tokom dana.

UPRAVA POLICIJE MUP-A TK

Preuzeto sa web stranice **Ministarstva unutrašnjih poslova Tuzlanskog kantona** - <http://mup.tk.ba>